

ოზურგეთის მუნიციპალიტეტის 2016-2019 წლების
პრიორიტეტების დოკუმენტი

**ოზურგეთის მუნიციპალიტეტის პრიორიტეტების, პროგრამების მათი აღწერის,
მოსალოდნელი შედეგებისა და შეფასების ინდიკატორები**

ქვეყნის ძირითადი მონაცემებისა და მიმართულებების (BDD) დოკუმენტის შესაბამისად, თვითმმართველი თემის-ოზურგეთის მუნიციპალიტეტის პრიორიტეტის დოკუმენტი წარმოადგენს მუნიციპალიტეტის განვითარების ერთ-ერთ ძირითად დოკუმენტს, რომელიც ასახავს ინფორმაციას საშუალოვადიანი სამოქმედო გეგმის შესახებ, ანუ მასში გათვალისწინებულია ძირითადი პრიორიტეტები და მიმართულებები დასაგეგმი და დასაგეგმის შემდგომი სამი წლისათვის.

ბოლო წლების მანძილზე ქვეყნის ბიუჯეტის დაგეგმვის პროგრამულ ფორმატზე გადასვლამ განაპირობა ოზურგეთის მუნიციპალიტეტის მთავარი საფინანსო დოკუმენტის ახალ, პროგრამულ ჭრილში შედგენა, რაც გულისხმობს შედეგებზე ორიენტირებული ბიუჯეტის დაგეგმვას.

პრიორიტეტის დოკუმენტი მომზადებულია ადგილობრივი თვითმმართველობის საკუთარი უფლებამოსილების ფარგლებში იმ პრობლემების გადაწყვეტის მიზნით, რომელიც ყველაზე აქტუალურია მუნიციპალიტეტის მოსახლეობისათვის.

პრიორიტეტების დოკუმენტი მომზადდა „საქართველოს საბიუჯეტო კოდექსის“ და „პროგრამული ბიუჯეტის შედგენის მეთოდოლოგიის დამტკიცების თაობაზე“ საქართველოს ფინანსთა მინისტრის 2011 წლის 8 ივნისის №385 ბრძანების მოთხოვნათა შესაბამისად.

ზემოაღნიშნულის გათვალისწინებით 2016-2019 წლების ოზურგეთის მუნიციპალიტეტის ძირითადი პრიორიტეტებია:

- თავდაცვა, საზოგადოებრივი წესრიგი და უსაფრთხოება.
- ინფრასტრუქტურის მშენებლობა, რეაბილიტაცია და ექსპლოატაცია;
- განათლება;
- კულტურა, რელიგია, ახალგაზრდობის ხელშეწყობა და სპორტი;
- მოსახლეობის ჯანმრთელობის დაცვა და სოციალური უზრუნველყოფა;

ოზურგეთის მუნიციპალიტეტის ძირითადი მონაცემები 2016-2019 წლებში

დასახელება	2015 წლის 10 თვის ფაქტი	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
შემოსულობები	11576.7	8338.0	8699.0	9111.0	9527.0
შემოსავლები	11384.3	7898.0	8259.0	8621.0	9037.0
არაფინანსური აქტივების კლება	192.4	440.0	440.0	490.0	490.0
შემოსავლები	11384.3	7898.0	8259.0	8621.0	9037.0

დასახელება	2015 წლის 10 თვის ფაქტი	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
გადასახადები	787.5	1440	1600	1600	1816
ქონების გადასახადი	787.5	1090	1200	1200	1316.0
საქართველოს საწარმოთა ქონებაზე (გარდა მიწისა)	524.2	520.0	550.0	550.0	650.0
უცხოურ საწარმოთა ქონებაზე (გარდა მიწისა)					
ფიზიკურ პირთა ქონებაზე (გარდა მიწისა)	17.1	20.0	30.0	30.0	46
ეკონომიკური საქმიანობისთვის გამოყენებულ ქონებაზე	2.3				
არაეკონომიკური საქმიანობისთვის გამოყენებულ უძრავ ქონებაზე	14.8	0	0	0	0
სასოფლო-სამეურნეო დანიშნულების მიწაზე	36.4	90.0	110.0	110.0	110.0
ფიზიკურ პირებიდან	30.7	60.0	70.0	70.0	70.0
იურიდიულ პირებიდან	5.7	30.0	40.0	40.0	40.0
არასასოფლო-სამეურნეო დანიშნულების მიწაზე	209.8	460.0	510.0	510.0	510.0
ფიზიკურ პირებიდან	47.8	110.0	130.0	130.0	130.0
იურიდიულ პირებიდან	162.0	350.0	380.0	380.0	380.0
სხვა გადასახადები		350.0	400.0	400.0	500.0
გრანტები	9782.5	5657.6	5858.6	6101.0	6301.0
აჭარის ავტონომიური რესპუბლიკის ბიუჯეტიდან გამოყოფილი ტრანსფერი					
სახელმწიფო ბიუჯეტიდან გამოყოფილი ტრანსფერი	9782.5	5657.6	5858.6	6101.0	6301.0
ბიუჯეტით გათვალისწინებული	4538.0	5657.6	5858.6	6101.0	6301.0

დასახელება	2015 წლის 10 თვის ფაქტი	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
ტრანსფერები					
გათანაბრებითი ტრანსფერი	4393.0	5483.6	5684.6	5891.0	6091
მიზნობრივი ტრანსფერი დელეგირებული უფლებამოსილების განსახორციელებლად	145.0	174.0	174.0	210.0	210.0
ინფრასტრუქტურის განვითარებისათვის და სხვა მიმდინარე ღონისძიებების დასაფინანსებლად					
ფონდებიდან გამოყოფილი ტრანსფერები	5244.5	0	0	0	0
რეგიონების ფონდის პირველადი განაწილება	5244.5				
სოფლის მხარდაჭერის პროგრამა					
სხვა პროექტები					
<i>მ.შ. სხვა დანარჩენი</i>					
სხვა შემოსავლები	814.3	800.4	800.4	920.0	920.0
შემოსავლები საკუთრებიდან	88.4	49.4	49.4	70.0	70.0
პროცენტები	6.0				
რენტა	82.4	49.4	49.4	70.0	70.0
მოსაკრებელი ბუნებრივი რესურსებით სარგებლობისათვის	49.6	49.4	49.4	70.0	70.0
შემოსავალი მიწის იჯარიდან და მართვაში (უზურფრუქტი, ქირავნობა და სხვა) გადაცემიდან	32.8				
საქონლისა და მომსახურების რეალიზაცია	170.7	171.0	171.0	230.0	230.0

დასახელება	2015 წლის 10 თვის ფაქტი	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
ადმინისტრაციული მოსაკრებლები და გადასახდელები	151.3	150.0	150.0	200.0	200.0
სანებართვო მოსაკრებელი	127.2	120.0	120.0	150.0	150.0
სათამაშო ბიზნესის მოსაკრებელი	0	0	0	0	0
ადგილობრივი მოსაკრებელი დასახლებული ტერიტორიის დასუფთავებისათვის	24.1	30.0	30.0	50.0	50.0
სხვა არაკლასიფიცირებული მოსაკრებელი					
არასაბაზრო წესით გაყიდული საქონელი და მომსახურება	19.4	21.0	21.0	30.0	30.0
შემოსავლები საქონლის რეალიზაციიდან	19.4	21.0	21.0	30.0	30.0
შემოსავლები მომსახურების გაწევიდან					
ჯარიმები, სანქციები და საურავები	503.4	510.0	510.0	540.0	540.0
შერეული და სხვა არაკლასიფიცირებული შემოსავლები	51.8	70.0	70.0	80.0	80.0
არაფინანსური აქტივების კლება	192.4	440.0	440.0	490.0	490.0
ძირითადი აქტივები	42.8	60.0	60.0	80.0	80.0
არაწარმოებული აქტივები	149.6	380.0	380.0	410.0	410.0
მიწა	149.6	380.0	380.0	410.0	410.0

2015 წლის მოკლე მიმოხილვა

2015 წლის 10 თვის ოზურგეთის მუნიციპალიტეტის ბიუჯეტის შემოსულობებმა შეადგინა 11576.7 ათასი ლარი, მათ შორის გადასახადებმა 787.5 ათასი ლარი, გრანტებმა 9782.5 ათასი ლარი, სხვა შემოსავლებმა 814.3 ათასი ლარი, პრივატიზაციიდან შემოსულმა სახსრებმა 192.4 ათასი ლარი, 2015 წლის ბოლოს დაგროვილმა ნაშთმა შეადგინა - 1396.8 ათასი ლარი.

სახელმწიფო ბიუჯეტიდან გამოყოფილი ტრანსფერიდან 5244.5 ათასი ლარიდან დაფინანსდა ოზურგეთის მუნიციპალიტეტის გზების კაპიტალური შეკეთება და კაპიტალური

რემონტი, წყალსადენის შიდა ქსელის რეაბილიტაცია, ინფრასტრუქტურული სამუშაოები, სტიქიის შედეგების სალიკვიდაციო ღონისძიებები.

გარდა ამისა, სოფლის მხარდაჭერის პროგრამის ფარგლებში მიღებული სახსრებით დაფინანსდა შიდა სასოფლო გზების რეაბილიტაცია, ხიდების და ბოგირების მოწყობა, მოსაცდელების მოწყობა, სასმელი წყლის და მილების და სათავე ნაგებობების მოწყობა, სოფლების ადმინისტრაციული შენობებისა და საბავშვო ბაღების რეაბილიტაციის სამუშაოები .

org. kodი	დასახელება	2015 წლის 10 თვე	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
01 00	წარმომადგენლობითი და აღმასრულებელი ორგანოების დაფინანსება	2298.0	3379.0	3500.0	3650.0	3800.0
02 00	თავდაცვა, საზოგადოებრივი წესრიგი და უსაფრთხოება	125.0	156.6	160.0	170.0	180.0
03 00	ინფრასტრუქტურის მშენებლობა, რეაბილიტაცია და ექსპლოატაცია	9018.6	1670.1	1747.0	1829.0	1916.0
04 00	განათლება	964.9	1708.5	1800.0	1890	1980.0
05 00	კულტურა, რელიგია ახალგაზრდული და სპორტული ღონისძიებები	570.3	883.3	927.0	982.0	1031.0
06 00	მოსახლეობის ჯანმრთელობისა დაცვა და სოციალური უზრუნველყოფა	452.5	540.5	565	590	620.0

ოზურგეთის მუნიციპალიტეტის პრიორიტეტები, პროგრამები, მათი აღწერა, მოსალოდნელი შედეგები და შეფასების ინდიკატორები

1. თავდაცვა, საზოგადოებრივი წესრიგი და უსაფრთხოება (პროგრამული კოდი 02 00)

სტიქიური მოვლენების, უბედური შემთხვევებისა და სხვა საგანგებო სიტუაციების შემთხვევაში დახმარების გასაწევად მნიშვნელოვანია საგანგებო სიტუაციების სამსახურის ოპერატიული მოქმედება, მათი მზადყოფნა დროული და სათანადო დახმარების აღმოსაჩენად. აუცილებელია პერსონალის სახანძრო და სამაშველო ტექნიკური ინვენტარით უზრუნველყოფა. პერსონალისათვის სათანადო ხარისხის ინდივიდუალური და ჯგუფური წვრთნების ჩატარება და პროფესიული ღონისძიებების ამაღლება.

პროგრამის კოდი	დასახელება	2015 წლის 10 თვე	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
02 00	საზოგადოებრივი წესრიგი და უსაფრთხოება	125.0	156.6	160.0	170.0	180.0
02 01	საგანგებო სიტუაციების მართვა	46.7	38.0	40.0	45.0	50.0
02 02	ქვეყნის თავდაცვისუნარიანობის ამაღლების ხელშეწყობა	78.3	118.6	120.0	125.0	130.0

1.1 საგანგებო სიტუაციების მართვა (პროგრამული კოდი 02 01)

ქვეპროგრამის განმახორციელებელი:

ა(ა)იპ- „ოზურგეთის მუნიციპალიტეტის წყალმამუველთა ჯგუფი“

პროგრამა გულისხმობს მატერიალურ-ტექნიკური ბაზის განვითარებას და ზღვის საკურორტო სეზონთან დაკავშირებით დამსვენებელთა უსაფრთხოების უზრუნველყოფას. სამუშაოების ფარგლებში ხორციელდება ზღვის სანაპირო ზოლის მუდმივი კონტროლი.

მოსალოდნელი საბოლოო შედეგები:

- საგანგებო სიტუაციების შემთხვევაში ოპერატიული და კვალიფიციური რეაგირება;
- დამსვენებელთა უსაფრთხოება;

შედეგების შეფასების ინდიკატორები:

- ოპერატიული მოქმედების ხარისხი;
- გადარჩენილი დამსვენებლების რაოდენობა;
- დამსვენებელთა კმაყოფილების დონე.

1.2 ქვეყნის თავდაცვისუნარიანობის ამაღლების ხელშეწყობა (პროგრამული კოდი 02 02)

ქვეპროგრამის განმახორციელებელი:

ოზურგეთის მუნიციპალიტეტის სამხედრო აღრიცხვისა და გაწვევის სამსახური

პროგრამა გულისხმობს მუნიციპალიტეტის ტერიტორიაზე სამხედრო აღრიცხვასა და გაწვევაზე ერთიანი საჯარო ხელისუფლების განხორციელების ხელშეწყობას, კერძოდ: მოქალაქეთა პირველად სამხედრო აღრიცხვაზე აყვანას, სავალდებულო სამხედრო

სამსახურში გაწვევის ორგანიზებას, ახალგაზრდებთან პატრიოტულ-აღმზრდელობით მუშაობას და ასე შემდეგ.

მოსალოდნელი საბოლოო შედეგები:

- მოქალაქეთა სამხედრო აღრიცხვაზე აყვანა, სამხედრო სავალდებულო სამსახურში გაწვევა;
- მობილიზაციისა და სამხედრო ძალების რეზერვთან დაკავშირებული საკითხების გადაწყვეტა;

შედეგების შეფასების ინდიკატორები:

- სამხედრო სამსახურისათვის შემოწმების მიზნით გადაყვანილი წვევამდელეების რაოდენობა;
- შეკრების ადგილამდე გადაყვანილი რეზერვისტების რაოდენობა.

2. ინფრასტრუქტურის მშენებლობა, რეაბილიტაცია და ექსპლოატაცია (პროგრამული კოდი 03 00)

მუნიციპალიტეტის ეკონომიკური განვითარებისათვის აუცილებელ პირობას წარმოადგენს მუნიციპალური ინფრასტრუქტურის შემდგომი გაუმჯობესება და აღნიშნული მიმართულება ბიუჯეტის ერთ-ერთ მთავარ პრიორიტეტს წარმოადგენს. პრიორიტეტის ფარგლებში გაგრძელდება საგზაო ინფრასტრუქტურის მშენებლობა-რეაბილიტაცია, მუნიციპალური ინფრასტრუქტურის მშენებლობისა და რეაბილიტაციის გარდა პრიორიტეტის ფარგლებში განხორციელდება არსებული ინფრასტრუქტურის მოვლა შენახვა და დაფინანსება.

org. kodi	ოზურგეთის მუნიციპალიტეტი	2015 წლის 10 თვის ფაქტი	2016 წლის პროექტი	2017 წლის პროგოზი	2018 წლის პროგოზი	2019 წლის პროგოზი
03 00	ინფრასტრუქტურის მშენებლობა, რეაბილიტაცია და ექსპლოატაცია	9018.6	1670.1	1747.0	1829.0	1916.0
03 01	საგზაო ინფრასტრუქტურის მშენებლობა რეაბილიტაცია და მოვლა შენახვა	1741.4	199.6	207,0	215.0	225.0
03 01 01	გზების რეაბილიტაციისა და მოვლა-შენახვის პროგრამა	1680.3	125.0	130.0	135.0	142.0
03 01 02	მუნიციპალური ტრანსპორტი	61.1	74.6	77.0	80.0	83.0
03 02	კომუნალური ინფრასტრუქტურის მშენებლობა-რეაბილიტაცია და ექსპლოატაცია	3614.0	1033.0	1085.0	1138.0	1195.0
03 02 01	დასუფთავების ღონისძიებები და მაწანწალა ცხოველების					

org. kodi	ოზურგეთის მუნიციპალიტეტი	2015 წლის 10 თვის ფაქტი	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
	იზოლირება					
03 02 03	კომუნალური მომსახურების ცენტრი	696.5	900.0	945.0	992.0	1040.0
03 02 0?	წყალსადენის შიდა ქსელის რეაბილიტაცია	147.3	0	0	0	0
03 02 04	ინფრასტრუქტურის სამუშაოები	2770.3	133.0	140.0	146.0	155.0
03 03	მუნიციპალიტეტის კეთილმოწყობის ღონისძიებები	18.9	34.5	35.0	37.0	38.0
03 04	საინჟინრო-გეოლოგიური სამუშაოები, საპროექტო-სახარჯთაღრიცხვო და ექსპერტიზის თანხა	51.3	53.0	55.0	57.0	59.0
03 04	სოფლის მხარდაჭერის პროგრამის ფარგლებში განსახორციელებელი პროექტები	1193.4	0	0	0	0
03 05	სოფლის მეურნეობის განვითარების ღონისძიებები	148.6	170.0	177.0	185.0	194.0
03 06	გარე განათება	135.6	180.0	188.0	197.0	205.0
03 09	სტიქიის შედეგების სალიკვიდაციო ღონისძიებები	2115.4	0	0	0	0

2.1 საგზაო ინფრასტრუქტურის მშენებლობა-რეაბილიტაცია და მოვლა-შენახვა (პროგრამული კოდი 03 01)

პროგრამის ფარგლებში განხორციელდება მუნიციპალიტეტში არსებული რეაბილიტირებული ადგილობრივი მნიშვნელობის გზების მდგომარეობის შენარჩუნება. 2016 წელს დაგეგმილია მუნიციპალიტეტის სოფლებში სავალი ნაწილის მიმდინარე შეკეთების სამუშაოები. კვლავ აქტუალური რჩება მუნიციპალური ტრანსპორტის გამართული მუშაობის უზრუნველყოფა. ავტოპარკი შედგება 6 ერთეული მოძველებული „პაზიკის“-ს ტიპის ავტობუსებისაგან, რომლებიც ვერ უზრუნველყოფს მუნიციპალიტეტში შემავალი 4 დაბისა და 74 სოფლის მოსახლეობის, მათ შორის სოციალურად დაუცველი კატეგორიის და პედაგოგების მგზავრობის შედავათიან, სრულფასოვან მომსახურებას.

2.1.1. გზების რეაბილიტაციისა და მოვლა-შენახვის პროგრამა (პროგრამული კოდი 03 01 01)

ქვეპროგრამის განმახორციელებელი:
ოზურგეთის მუნიციპალიტეტის შ.პ.ს. „ტექნოსერვი“

ქვეპროგრამის მიზანია მუნიციპალიტეტის სოფლებში საგზაო ინფრასტრუქტურის მოწესრიგება და მგზავრთა შეუფერხებელი, კომფორტული და უსაფრთხო გადაადგილება; ქვეპროგრამის ფარგლებში განხორციელდება მუნიციპალიტეტის სოფლებში არსებული რეაბილიტირებული შიდა მნიშვნელობის გზების მდგომარეობის შენარჩუნება, სავალი ნაწილის, ტროტუარებისა და მიწისქვეშა კომუნიკაციების მოწესრიგება და სანიაღვრე არხების გაწმენდა.

მოსალოდნელი საბოლოო შედეგები:

მგზავრთა შეუფერხებელი, კომფორტული და უსაფრთხო გადაადგილება.

შედეგების შეფასების ინდიკატორები:

- საგზაო შემთხვევების შემცირებული რაოდენობა;
- რეაბილიტირებული გზების, მათ შორის ისტორიულ და ტურისტულ ობიექტებთან მისასვლელი გზების რაოდენობის განმსაზღვრელი მაჩვენებელი;
- გადაადგილების დროისა და სატრანსპორტო ხარჯების შემცირებული მაჩვენებელი;
- მოსახლეობის კმაყოფილების დონე.

2.1.2. მუნიციპალური ტრანსპორტი (პროგრამული კოდი 03 01 02)

ქვეპროგრამის განმახორციელებელი:

ოზურგეთის მუნიციპალიტეტის შ.პ.ს. „მუნიციპალური ტრანსპორტი“

ქვეპროგრამის ფარგლებში 2016 წლის განმავლობაში კვლავ აქტუალური რჩება მუნიციპალური ტრანსპორტის გამართული მუშაობის უზრუნველყოფა, სკოლის მასწავლებლებისა და მოსწავლეებისათვის უფასო მომსახურების გაწევა. ავტოპარკი შედგება 6 ერთეული მოძველებული „პაზიკის“-ს ტიპის ავტობუსებისაგან, რომლებიც სრულად ვერ უზრუნველყოფს მუნიციპალიტეტში შემავალი 4 დაბისა და 74 სოფლის მოსახლეობის სრულფასოვან მომსახურებას.

მოსალოდნელი საბოლოო შედეგები:

- მგზავრთა კომფორტული და უსაფრთხო გადაადგილება;
- მუნიციპალიტეტის საგზაო ინფრასტრუქტურის გაუმჯობესება;
- გადაყვანილ მგზავრთა რაოდენობის ზრდა;

შედეგების შეფასების ინდიკატორები:

- მოსახლეობის კმაყოფილების დონე;

2.2. კომუნალური ინფრასტრუქტურის მშენებლობა-რეაბილიტაცია და მოვლა-შენახვა (პროგრამული კოდი 03 02)

პროგრამის ფარგლებში განხორციელდება გარე განათების ქსელის გაფართოება, მოხმარებული ელექტროენერჯის ხარჯების შესამცირებლად გარე განათების ქსელში

განხორციელდება ფოტონების დამონტაჟება. მუნიციპალიტეტის სოფლებში წყალსადენის შიდა ქსელის რეაბილიტაცია და ინფრასტრუქტურის სამუშაოების ჩატარება.

2.2.1 კომუნალური მომსახურებისა და კეთილმოწყობის ღონისძიებები (პროგრამული კოდი 03 02 03)

ქვეპროგრამის განმახორციელებელი:

ოზურგეთის მუნიციპალიტეტის ა(ა)იპ „მუნიციპალური მომსახურების ცენტრი“

მუნიციპალიტეტის ერთ–ერთ მთავარ ფუნქციას წარმოადგენს კეთილსაიმედო სანიტარული მდგომარეობის უზრუნველყოფა, შესაბამისად ქვეპროგრამის ფარგლებში გავალისწინებულია მუნიციპალიტეტის სოფლებში, განსაკუთრებით ზღვისპირა საკურორტო ზოლში სანიტარული წესრიგის შენარჩუნება და გაუმჯობესება; ნარჩენების სრული იზოლირება მოსახლეობისა და გარემოსაგან; ღია ნაგავსაყრელის პოლიგონის მოვლა, დამსვენებელთა და ტურისტთა მაქსიმალურად მოზიდვის მიზნით. ჩამოთვლილი მიზნების განსახორციელებლად შექმნილი იქნება ერთი ერთეული პლაჟის დასუფთავებისა და ნარჩენებისაგან გამწმენდი სპეციალური მანქანა. მუნიციპალიტეტის ყოველდღიური დაგვა–დასუფთავება და ნარჩენების გატანა.

გაგრძელდება ოზურგეთის მუნიციპალიტეტის სოფლებსა და დაბა ურეკის ტერიტორიაზე დიდი და პატარა დამატებითი ურნების დადგმის პროცესი. ქვეპროგრამის ფარგლებში განხორციელდება შემდეგი ღონისძიებები: გარე განათების არსებული ქსელის ექსპლოატაცია, მოხმარებული ელექტროენერჯის გადასახდის შეუფერხებელი დაფარვა; მაწანწალა ცხოველების დაჭერა და მათი გადაყვანა სპეციალიზირებულ თავშესაფარში, რითაც უზრუნველყოფილი იქნება მათი რაოდენობის მინიმუმამდე დაყვანა და შესაძლო საფრთხეების თავიდან აცილება; არსებული სკვერებისა და პარკების მოვლა, ახალი ხეების დარგვა და გამწვანების ზოლებში ყვავილებისა და სხვა დეკორატიული მცენარეების განაშენიანება. მუნიციპალიტეტის სოფლების ადმინისტრაციულ ცენტრებსა და მის შემოგარენში გამწვანების სამუშაოების ჩატარება, ხეების გადაბეღვა–ფორმირება, ზეხმელი და ავრიული ხეების მონიშვნა, შემდგომში მოჭრა–დამუშავება და გატანა. მცენარეთა შესყიდვა დარგვის თანმდევი მომსახურებით.

მოსალოდნელი საბოლოო შედეგები:

- განათებული მუნიციპალიტეტი ;
- მოსახლეობის გაუმჯობესებული სანიტარული პირობები;
- მუნიციპალიტეტის იერსახის გალამაზება და მოსახლეობისა და ტურისტებისათვის სასიამოვნო, ეკოლოგიურად სუფთა გარემოს შექმნა;
- მოწესრიგებული და მოვლილი სასაფლაოები;

შედეგების შეფასების ინდიკატორები:

- ქუჩების განათების პროცენტული მაჩვენებელი;

- ფეხით მოსიარულეთა და სატრანსპორტო მოძრაობის უსაფრთხო გადაადგილება დღე-ღამის ნებისმიერ დროს;
- საყოფაცხოვრებო ნარჩენებისაგან გათავისუფლებული ქალაქი;
- მუნიციპალიტეტის დასუფთავებისა და ნარჩენების გატანის ინტენსიურობის მაჩვენებელი.
- მოსახლეობის კმაყოფილების დონე

2.2.2. ინფრასტრუქტურის სამუშაოები (პროგრამული კოდი 03 02 04)

ქვეპროგრამის განმახორციელებელი:

ოზურგეთის მუნიციპალიტეტის ინფრასტრუქტურის, არქიტექტურისა და ქონების მართვის სამსახური.

პროგრამა ითვალისწინებს საქართველოს მთავრობის განკარგულებებით, მუნიციპალური განვითარების ფონდის, გრანტებითა და სხვა წყაროებიდან გამოყოფილი თანხებით განსახორციელებელ ინფრასტრუქტურულ პროექტებს. ასევე, მუნიციპალიტეტის მთავორიანი რელიეფის მქონე სოფლებში რთულ მონაკვეთებზე ბეტონის გზის საფარის მოწყობას და სოციალურად დაუცველი, შეჭირვებული მოსახლეობის დახმარებას სამშენებლო მასალებით (ძირითადად სახლის სახურავის მოსაწყობი მასალით). 2016 წელს დასრულდება 2 ახალი საბავშვო ბაღის მშენებლობა სოფელ ბახვსა და ცხემლისხიდაში, სოფელ ჯუმათში დასრულდება წყალმომარაგების სისტემის მშენებლობა.

მოსალოდნელი საბოლოო შედეგები:

- მუნიციპალიტეტის მოწესრიგებული ინფრასტრუქტურა;
- მგზავრთა შეუფერხებელი, კომფორტული და უსაფრთხო გადაადგილება;
- სუფლის მეურნეობის მოსავლის შეუფერხებელი გამოტანა სავარგულებიდან;
- სოციალურად დაუცველი, შეჭირვებული მოსახლეობის დახმარება;

შედეგების შეფასების ინდიკატორები:

- ფეხით მოსიარულეთა და სატრანსპორტო საშუალებათა უსაფრთხო გადაადგილება დღე-ღამის ნებისმიერ დროს;
- მოსახლეობის კმაყოფილების დონე;

2.3. მუნიციპალიტეტის კეთილმოწყობის ღონისძიებები (პროგრამული კოდი 03 03)

მუნიციპალიტეტის მცხოვრებთა საჭიროებისა და პრობლემების მოსაგვარებლად აუცილებელი, გადაუდებელი კელიმოწყობითი ღონისძიებების განხორციელება.

ქვეპროგრამის განმახორციელებელი:

ოზურგეთის მუნიციპალიტეტის ინფრასტრუქტურის, არქიტექტურისა და ქონების მართვის სამსახური.

მოსალოდნელი საბოლოო შედეგები:

- მუნიციპალიტეტის მოწესრიგებული ინფრასტრუქტურა;
- მოსახლეობისათვის უსაფრთხო გარემოს შექმნა;
- პრევენცია სტიქიური მოვლენებისაგან;
- სოფლის მოსახლეობის მომსახურების გაუმჯობესება;

შედეგების შეფასების ინდიკატორები:

- კეთილმოწყობილი და დაცული ობიექტების რაოდენობა;
- მოსახლეობის კმაყოფილების დონე;

2.4. საინჟინრო-გეოლოგიური სამუშაოები, საპროექტო-სახარჯთაღრიცხვო და ექსპერტიზის თანხა (პროგრამული კოდი 03 04)

ქვეპროგრამის განმახორციელებელი:

ოზურგეთის მუნიციპალიტეტის ინფრასტრუქტურის, არქიტექტურისა და ქონების მართვის სამსახური.

აღნიშნული ქვეპროგრამის ფარგლებში უზრუნველყოფილი იქნება მუნიციპალიტეტში სამშენებლო-სამონტაჟო და სარეაბილიტაციო ობიექტების აღრიცხვა-დაპროექტება, საპროექტო ორგანიზაციის მიერ ტექნიკური ნახაზებისა და ხარჯთაღრიცხვების შესრულება.

მოსალოდნელი შუალედური შედეგი:

- კარგი სატენდერო პირობები;
- შესრულებული და წარმოდგენილი სახარჯთაღრიცხვო პროექტების მაღალი ხარისხი;
- სამშენებლო ნორმებისა და ტექნიკური პირობების შესრულების კონტროლი;

შეფასების კრიტერიუმი:

- ექსპერტთა შეფასება;
- შექმნილი საპროექტო დოკუმენტაციის რაოდენობა;

2.5. სოფლის მეურნეობის განვითარების ღონისძიებები (პროგრამული კოდი 03 05)

პროგრამის მიზანია სასოფლო სამეურნეო პროდუქციის ზრდა, არსებული სასოფლო სამეურნეო ტექნიკისა და ტექნოლოგიური მოწყობილობების ეფექტური გამოყენება; სასოფლო სამეურნეო ტექნიკის სერვის-ცენტრებში ადგილობრივი და მოწვეული სპეციალისტების მიერ ფერმერებისათვის სწავლების ჩატარება და საკონსულტაციო მომსახურება მათთვის მნიშვნელოვან საკითხებზე; სასათბურე მეურნეობების განვითარება სანერგე მეურნეობების შექმნა, მაღალ ხარისხიანი, ჯიშის ნერგების გამოყვანა არსებული ამორტიზირებული და არარენტაბელური ბაღების ჩასანაცვლებლად, ხილსაცავების მოწყობა მოსალოდნელი ეკონომიკური ზიანის მინიმიზირების უზრუნველყოფის მიზნით საკარანტინო მავნებლების გავრცელების წინააღმდეგ ღონისძიებების ჩატარება; ნიადაგის ნაყოფიერებების ამაღლების ღონისძიებები; ჩაის კულტურის რეაბილიტაციის სამუშაოების დაწყება; მეცხოველეობის გავითარების მიზნით ახალი თანამედროვე საკვები ბაზის შესაქმნელად პროექტების მოზიდვა-განხორციელება; ძირეული ცვლილებები მეღორეობაში-ახალი მეხორცული ჯიშების იორკშირი,ლანდრასის მიღება ხელოვნური განაყოფიერების გზით.

ქვეპროგრამის განმახორციელებელი:

ა(ა)იპ „ფერმერული მეურნეობის განვითარების ცენტრი“

მოსალოდნელი საბოლოო შედეგები:

- მოსახლეობაში ფერმერული მეურნეობის განვითარების ხელშეწყობა;
- შექმნილი სადემონსტრაციო ნაკვეთი ;
- ენდემური ვაზის ჯიშების ნერგების გამოყვანა;
- მეღორეობაში ხელოვნური განაყოფიერების მეთოდის დანერგვის ხელმისაწვდომობა მოსახლეობისათვის;

შედეგების შეფასების ინდიკატორები:

- ხელოვნური განაყოფიერების გზით მიღებული გოჭების რაოდენობა;
- ინფორმირებული მოსახლეობის რაოდენობა;

2.6. გარე განათება (პროგრამული კოდი 03 06)

ქვეპროგრამის განმახორციელებელი:

ოზურგეთის მუნიციპალიტეტის ა(ა)იპ „მუნიციპალური მომსახურების ცენტრი“

დღე-ღამის ნებისმიერ დროს მოსახლეობის კომფორტული და უსაფრთხო გადაადგილებისათვის აუცილებელ პირობას წარმოადგენს მუნიციპალიტეტის განათება, რისი გათვალისწინებითაც ქვეპროგრამის ფარგლებში დაფინანსდება გარეგანათების არსებული ქსელის ექსპლუატაცია, ასევე მოეწყობა ახალი სანათი წერტილები.

მოსალოდნელი შედეგი:

- მუნიციპალიტეტის სოფლების იერსახის გალამაზება და მოსახლეობისათვის სასიამოვნო გარემოს შექმნა;
- მოსახლეობისათვის უსაფრთხო გარემოს შექმნა;

შედეგების შეფასების ინდიკატორები:

- განათებული სოფლები;
- მოსახლეობის კმაყოფილების დონე;

3. განათლება (პროგრამული კოდი 04 00)

მომავალი თაობების აღზრდის მიმართულებით დაწყებითი და ზოგადი განათლების გარდა მნიშვნელოვანი როლი ენიჭება ასევე სკოლამდელ განათლებას, რაც თვითმმართველი ერთეულის საკუთარ უფლებამოსილებებს განეკუთვნება და შესაბამისად მუნიციპალიტეტის ერთ-ერთ პრიორიტეტს წარმოადგენს, რომლის ფარგლებში მომდევნო წლებში განხორციელდება საბავშვო ბაღების ფუნქციონირებისათვის საჭირო ხარჯების დაფინანსება, მათი რეაბილიტაცია, ინვენტარით უზრუნველყოფა და ახალი ბაღების მშენებლობა. სკოლამდელი განათლების გარდა პრიორიტეტის ფარგლებში განხორციელდება ისეთი პროგრამების დაფინანსება, რომლებიც ხელს შეუწყობს მოსახლეობის დასაქმებას.

org. kodi	ოზურგეთის მუნიციპალიტეტი	2015 წლის 10თვის ფაქტი	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
04 00	განათლება	964.9	1708.5	1800.0	1890.0	1980.0
04 01	სკოლამდელი განათლების დაფინანსება	945,5	1681.0	1760.0	1840.0	1920.0
04 02	ზოგადი განათლების ხელშეწყობა	19.4	27.5	40.0	50.0	60.0

3.1. სკოლამდელი განათლების დაფინანსება (პროგრამული კოდი 04 01)

ქვეპროგრამის განმახორციელებელი:

ოზურგეთის მუნიციპალიტეტის ა(ა)იპ „სკოლამდელი აღზრდის ცენტრი“

პროგრამის მიზანია საბავშვო ბაღებში სრულფასოვანი სააღმზრდელო გარემოს შექმნა, გაიხსნას ბაგა-ბაღები ისეთ სოფლებში, სადაც კონტიგენტის დიდი რაოდენობა არსებობს და უზრუნველყოფილი იქნას მათი კეთილმოწყობა და კვალიფიციური პერსონალით მომსახურეობა. მატერიალურ ტექნიკური ბაზის გაუმჯობესება, ძირითადი აქტივების მიმდინარე შეკეთება და მოვლა-შენახვა.

მუნიციპალიტეტში ამ ეტაპზე ფუნქციონირებს 34 საბავშვო ბაღი, სადაც დაწყებით განათლებას იღებს 1531 ბავშვი. პროგრამის ფარგლებში მუნიციპალიტეტი აფინანსებს ბაღების ფუნქციონირებასთან დაკავშირებულ ყველა სხვა ხარჯს, მათ შორის მასწავლებელთა და აღმზრდელთა ხელფასებს და ბაღების სხვა მიმდინარე ხარჯებს. დასრულებულია 2 ახალი საბავშვო ბაღის მშენებლობა სოფელ ბახვში და სოფელ ცხემლისხიდში.

მოსალოდნელი შედეგი:

- საბავშვო ბაგა-ბაღებში გაუმჯობესებული სააღმზრდელო პროცესი;
- სრულყოფილი მატერიალურ-ტექნიკური ბაზა;
- ბავშვების სოციალურ-ემოციური და ფიზიკური განვითარების სრულყოფა;
- 2 ახალი საბავშვო ბაღი და 3 ახალი ჯგუფი;

შეფასების კრიტერიუმი:

- საბავშვო ბაგა-ბაღებში მიმდინარე რეფორმის მიმართ დადებითად განწყობილ მშობელთა რაოდენობის ზრდა;
- ბავშვების რაოდენობის ზრდა;

3.2. ზოგადი განათლების ხელშეწყობა (პროგრამული კოდი 04 02)

პროგრამის ფარგლებში გათვალისწინებულია მუნიციპალიტეტის ტერიტორიაზე არსებული დაწყებითი, ზოგადი განათლების მქონე დაწესებულებების სრულყოფილი ფუნქციონირებისათვის ხელშეწყობა.

1. ოზურგეთის მუნიციპალიტეტის ტერიტორიაზე არსებული საჯარო სკოლის მოსწავლე, რომელიც ერთიანი ეროვნული გამოცდების საფუძველზე, ჩაირიცხა უმაღლეს საგანმანათლებლო დაწესებულებაში და მოიპოვა სახელმწიფო სასწავლო გრანტის სრული ოდენობა (100%), ოზურგეთის მუნიციპალიტეტის 2015 წლის ბიუჯეტიდან წახალისების მიზნით ერთჯერადი გასაცემლის სახით მიიღებს 3000 (სამიათასი) ლარს, სსიპ „შეფასებისა და გამოცდების ეროვნული ცენტრი“-ს მიერ წარმოდგენილი მასალებისა და ინფორმაციის საფუძველზე.

2. ოზურგეთის მუნიციპალიტეტის ტერიტორიაზე არსებული საჯარო სკოლა, რომელშიც სწავლობდა სახელმწიფო სასწავლო გრანტის სრული ოდენობის მფლობელი მოსწავლე, ოზურგეთის მუნიციპალიტეტის 2015 წლის ბიუჯეტიდან, „ზოგადი განათლების შესახებ“ საქართველოს კანონის შესაბამისად, დაფინანსდება 1000 (ათასი) ლარით სკოლის კაპიტალური ხარჯების ანაზღაურების მიზნით.

3. ოზურგეთის მუნიციპალიტეტის სამოქმედო ტერიტორიაზე საგანმანათლებლო და სააღმზრდელო პროცესის მონაწილეთა მოტივაციის ამაღლებას; სააღმზრდელო და საგანმანათლებლო დაწესებულებებთან კოორდინირებულ თანამშრომლობას; აღსაზრდელო და მოზარდთა შემეცნებით-საგანმანათლებლო დონის ამაღლებას.

ქვეპროგრამის განმახორციელებელი:

ოზურგეთის მუნიციპალიტეტის განათლების, ახალგაზრდობისა და სოციალური დაცვის სამსახური.

მოსალოდნელი შედეგი:

- მოსწავლეებში ცოდნის დონის ამაღლება და ყოფითი პირობების გაუმჯობესება
- სკოლისათვის აუცილებელი მცირე სარემონტო სამუშაოების დაფინანსება;

შეფასების კრიტერიუმი:

- პროგრამაში მონაწილე პირთა რაოდენობა;

4. კულტურა, რელიგია ახალგაზრდობის ხელშეწყობა და სპორტი (პროგრამული კოდი 05 00)

მუნიციპალიტეტის ინფრასტრუქტურული და ეკონომიკური განვითარების პარალელურად აუცილებელია ხელი შეეწყოს მდიდარი კულტურული ტრადიციების დაცვას და ამ ტრადიციების ღირსეულ გაგრძელებას. ამასთანავე, ერთ-ერთი პრიორიტეტია ახალგაზრდობის მრავალმხრივი (როგორც სულიერი, ისე ფიზიკური თვალსაზრისით) განვითარების ხელშეწყობა და მათში ცხოვრების ჯანსაღი წესის დამკვიდრება. შესაბამისად, მუნიციპალიტეტი განაგრძობს კულტურული ობიექტების ფინანსურ მხარდაჭერას, წარმატებული სპორტსმენების ხელშეწყობას და შესაბამისი პირობების შექმნას, რათა ნიჭიერმა ბავშვებმა და ახალგაზრდებმა შეძლონ მათი სპორტული შესაძლებლობების გამოვლინებას. ასევე ახალგაზრდობაში ცხოვრების ჯანსაღი წესის წახალისების მიზნით გასატარებელ ღონისძიებებს.

org. kodi	ოზურგეთის მუნიციპალიტეტი	2015 წლის 10 თვის ფაქტი	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
05 00	კულტურა, რელიგია ახალგაზრდული და სპორტული ღონისძიებები	570.3	883.3	927.0	982.0	1031.0
05 01	სპორტის განვითარების ხელშეწყობა	7.6	21.0	22.0	25.0	27.0
05 01 01	სპორტულ ღონისძიებათა დაფინანსება					
05 02	კულტურის განვითარების ხელშეწყობა	522.6	798.3	835.0	875.0	917.0
05 02 01	კულტურულ ღონისძიებათა დაფინანსება	50.8	141.0	145.0	150.0	155.0
05 02	კულტურის	471.8	657.3	690.0	725.0	762.0

02	ობიექტების დაფინანსება					
05 03	ტურიზმის ხელშეწყობის პროგრამა	0	14.0	15.0	17.0	20.0
05 04	რელიგიური ორგანიზაციების ხელშეწყობა	40.0	50.0	55.0	65.0	67.0

4.1 სპორტის განვითარების ხელშეწყობა (პროგრამული კოდი 05 01)

პროგრამის ფარგლებში განხორციელდება სპორტსმენთა მომზადების ორგანიზაციური და მეთოდური ხელშეწყობა, სპორტულ ასოციაციასთან, კავშირებთან, სპორტულ ფედერაციებთან და სხვადასხვა სპორტულ ორგანიზაციებთან თანამშრომლობა. კლუბების, ნაკრები გუნდების მომზადება და მონაწილეობა ქვეყნის და საერთაშორისო ასპარეზობებში.

2015 წლის განმავლობაში პროგრამის ფარგლებში გაიმართება სხვადასხვა სპორტული ღონისძიებები.

4.1.1 სპორტულ ღონისძიებათა დაფინანსება (პროგრამული კოდი 05 01 01)

ქვეპროგრამის განმახორციელებელი:

ოზურგეთის მუნიციპალიტეტის გამგეობის კულტურის, სპორტისა და ტურიზმის განვითარების სამსახური

პროგრამა მოიცავს ღონისძიებებს, რომლებიც ორიენტირებულია: სპორტის განვითარებაზე, საზოგადოებაში ჯანსაღი ცხოვრების წესის დამკვიდრებაზე, სპორტის სხვადასხვა სახეობის საქართველოს ეროვნული და ასაკობრივი გუნდების მომზადებასა და საერთაშორისო სპორტულ ღონისძიებებში (მსოფლიოსა და ევროპის ჩემპიონატებში, სხვადასხვა საერთაშორისო ტურნირებში) მონაწილეობის ხელშეწყობაზე, საქართველოს ჩემპიონატებისა და პირველობების ჩატარებაზე, სპორტული რეზერვისა და მაღალი კლასის სპორტსმენების მომზადებაზე, ეს ყოველივე მნიშვნელოვნად შეუწყობს ხელს სპორტის სხვადასხვა სახეობების განვითარებასა და პოპულარიზაციას, ადგილობრივი ან საერთაშორისო მაღალი რანგის შეჯიბრებებზე საპრიზო ადგილების დაკავებას.

სპორტის სხვადასხვა სახეობებში პირველობების, ჩემპიონატების, თასების გათამაშებების, მასობრივი სპორტული ღონისძიებების, სახელობითი და საერთაშორისო ტურნირების, სასწავლო-საწვრთნო შეკრებების ჩატარება და სპორტსმენთა მივლინება საერთაშორისო ტურნირებზე; მასობრივი სპორტული ღონისძიებების ორგანიზება.

ქვეპროგრამის ფარგლებში განხორციელდება სხვადასხვა სპორტული ღონისძიებების, ტურნირების, შეჯიბრებების ორგანიზება, ხელშეწყობა და დაფინანსება, ასევე ნიჭიერი სპორტსმენების წახალისება. მათ შორის:

- გოდერძი მახარაძის მიერ ახალი რეკორდის მოხსნის ღონისძიების მოწყობა;
- გომისძეთა-სპორტული ღონისძიებების ორგანიზება
- ნარდი, ჭადრაკის და შაშის ტურნირი სოფლებს შორის
- წლის საუკეთესო სპორტსმენის დაჯილდოება
- შემხვედრი ღონისძიებები ჩემპიონატი ფრენბურთში მოყვარულთა შორის

მოსალოდნელი საბოლოო შედეგები:

- ჯანსაღი ცხოვრების წესის, ახალგაზრდებში სპორტისადმი მიდრეკილების დამკვიდრება.

შედეგების შეფასების ინდიკატორები:

- ჩატარებული სპორტული ღონისძიებების რაოდენობის ზრდა;
- ჯანსაღი მომავალი თაობა;

4.2. კულტურის განვითარების ხელშეწყობა (პროგრამული კოდი 05 02)

მუნიციპალიტეტის კულტურული ტრადიციების დაცვის მიზნით ფოლკლორული კოლექტივებისა და ინდივიდუალური შემსრულებლების მხარდაჭერა და შემოქმედებითი კოლექტივების ხელშეწყობა, თეატრალური მუსიკალური სახვითი, ქორეოგრაფიული, წიგნის ფესტივალების, კონცერტების, მუზეუმებში ახალ ექსპოზიციათა და მოძრავი გამოფენის მოწყობა, გაგრძელდება სადღესასწაულო დღეებში სხვადასხვა გასართობი და სანახაობრივი ღონისძიებები. გაიხსნება ქრთული სიმღერების ლოტბარის გიორგი სალუქვაძის სახლმუზეუმი.

4.2.1 კულტურულ ღონისძიებათა დაფინანსება (პროგრამული კოდი 05 02 01)

ქვეპროგრამის განმახორციელებელი:

ოზურგეთის მუნიციპალიტეტის გამგეობის კულტურის, სპორტისა და ტურიზმის განვითარების სამსახური

ქვეპროგრამის ფარგლებში განხორციელდება სხვადასხვა კულტურული ღონისძიებები, მათ შორის ფოლკლორული კოლექტივებისა და ინდივიდუალური შემსრულებლების მხარდაჭერა და შემოქმედებითი კოლექტივების ხელშეწყობა, თეატრალური, მუსიკალური სახვითი, ქორეოგრაფიული, წიგნის ფესტივალების, კონცერტების, მუზეუმებში ახალ ექსპოზიციათა და მოძრავი გამოფენის მოწყობა, გაგრძელდება სადღესასწაულო დღეებში სხვადასხვა გასართობი და სანახაობრივი ღონისძიებები. მათ შორის:

- „კალანდობა გურიაში“;
- ბავშვთა დაცვის საერთაშორისო დღის აღნიშვნა;
- გურული სიმღერების ფესტივალი;
- „გომისმთობა“;
- პროექტი „ჩვენ, მზე და ლურჯი ზღვა“;
- „ასკანლობა“ სახალხო დღესასწაული;
- „შემოქმედობა“ სახალხო დღესასწაული;
- „ექვთიმეობა“წმინდა ექვთიმე ღვთისკაცისადმი (თაყაიშვილი) მიძღვნილი ღონისძიება;
- „გაბრიელობა“;
- შემხვედრი ღონისძიებები(სხვადასხვა ფესტივალებში მონაწილეობა და ცნობადი სახეების მოწვევა);

მოსალოდნელი საბოლოო შედეგები:

- კულტურული მემკვიდრეობის შენარჩუნება და განვითარება.
- კულტურის სფეროს მდგრადობის მიღწევა;

- კულტურული მემკვიდრეობის ადგილებში ტურისტების რაოდენობის ზრდა

შედეგების შეფასების ინდიკატორები:

- ჩატარებული კულტურული ღონისძიებების რაოდენობა;
- მოსახლეობის ინტერესის ზრდა კულტურული ღონისძიებების მიმართ;

4.2.2. კულტურის ობიექტების დაფინანსება (პროგრამული კოდი 05 02 02)

ქვეპროგრამის განმახორციელებელი:

- ა(ა)იპ „კულტურის სპორტის და ტურიზმის განვითარების ცენტრი“
- ა(ა)იპ „დაბა ურეკის კულტურის სახლი“
- ა(ა)იპ „სამუზეუმო-საბიბლიოთეკო გაერთიანება“

ქვეპროგრამის ფარგლებში შეიქმნა და დაფინანსდება ოზურგეთის მუნიციპალიტეტის კულტურის, სპორტისა და ტურიზმის განვითარების ცენტრი, რომელიც განახორციელებს მოსახლეობის კულტურულ საგანმანათლებლო და შემეცნებით მოღვაწეობას; ხალხური ხელოვნების ყველა დარგის განვითარების ხელშეწყობას; ეროვნული ტრადიციების წესჩვეულებების პოპულარიზაციას; ფოლკლორული ანსაზლების ნიჭიერი ინდივიდუალური შემსრულებლების საქმიანობის ხელშეწყობას.

განხორციელდება სოფლის ბიბლიოთეკების ხელშეწყობას; წიგნადი ფონდის შევსება თანამედროვე ლიტერატურით და დაკომპლექტებას ყველა ასაკობრივი კატეგორიის მიხედვით.

ქვეპროგრამის ფარგლებში ფინანსდება ურეკის კულტურის სახლი რომელიც ხელს უწყობს ხელოვნების დარგების განვითარებას სამუსიკო ქორეოგრაფიული და ზეპირსიტყვიერი ფოლკლორის ნიმუშების შეგროვებას შესწავლას და პოპულარიზაციას; მოსწავლე ახალგაზრდობის თავისუფალი დროის სწორად ორგანიზებას მიზნობრივი წრეების, სტუდიების, ფოლკლორული ანსაზლების ჩამოყალიბებას.

მოსალოდნელი შუალედური შედეგები:

- ტრადიციული ქართული ხელოვნებისადმი ინტერესის გაზრდა;
- მოსახლეობისათვის განახლებული სერვისის შეთავაზება და მკითხველის დაინტერესების გზით მომხმარებელთა რაოდენობის ზრდა;
- მუზეუმების პოპულარიზაციის გაზრდილი დონე – ექსპოზიციები, გამოფენები, გამოცემული კატალოგები, გზამკვლევები;
- მუზეუმის საქმიანობით დაინტერესებულ პირთათვის გაადვილებული სამუშაო პროცედურები;
- სეზონზე მოსალოდნელი ახალი სპექტაკლის რაოდენობის ზრდა. ადგილობრივ და საერთაშორისო ფესტივალებში მონაწილეობა;
- სახვითი ხელოვნების პოპულარიზაცია;
- საზოგადოების ფართო ნაწილის მონაწილეობა ქალაქის კულტურულ ცხოვრებაში;
- ნიჭიერი შემოქმედების წარმოჩენა, შემოქმედებითი პროცესის ინტენსივობა;
- ღვაწლმოსილი ადამიანების დაფასება;

შედეგების შეფასების ინდიკატორები:

- ორგანიზებული კულტურული ღონისძიებების რაოდენობა;
- ბიბლიოთეკებში მკითხველთა რაოდენობის ზრდა;
- საგანმანათლებლო-სამეცნიერო და კულტურული ღონისძიებების რაოდენობა;
- მუზეუმებში ვიზიტორთა რაოდენობა;

- მუზეუმებში მოწყობილი გამოფენების და წარმოდგენილი ექსპოზიციების რაოდენობა;
- ახალი სპექტაკლების რაოდენობის ზრდა და ხარისხობრივი მაჩვენებელი;
- თეატრალურ ხელოვნებით დაინტერესებულ მაცურებელთა ზრდა
- აღდგენილი ექსპონატები და გამოფენათა რაოდენობა;
- ქართული კულტურის შედეგების წარმოჩინება და პოპულარიზაცია;
- ფესტივალების, კონკურსების და საიუბილეო ღონისძიებების რაოდენობა.

4.3. ტურიზმის ხელშეწყობის პროგრამა (ორგანიზაციული კოდი 05 03)

ქვეპროგრამის განმახორციელებელი:

ოზურგეთის მუნიციპალიტეტის გამგეობის კულტურის, სპორტისა და ტურიზმის განვითარების სამსახური

აღნიშნული პროგრამა ხელს შეუწყობს მუნიციპალიტეტის ტურისტული პოტენციალის წარმოჩენას; ტურისტული მარშუტების დაგეგმარებას; ლაშქრობების და სკაუტების ორგანიზებას; ტურისტული დისლოკაციის ადგილების მოწყობას და ტურისტული ინფრასტრუქტურის განვითარებას ურეკში, შეკვეთილში ზღვის სეზონთან დაკავშირებული ღონისძიებების ჩატარებას, რომელშიც მონაწილეობას მიიღებენ ადგილობრივი მოსახლეობა და დამსვენებლები, სეზონის გახსნას და დახურვას, სხვადასხვა სახის ფესტივალების მოწყობას. კურორტ გომისმთაზე სამთო ექსტრემალური სათავგადასავლო ტურიზმის განვითარების ხელშეწყობის მიზნით სხვადასხვა პროექტების ორგანიზებას და ხელშეწყობას.

მოსალოდნელი შედეგი:

- ტურისტებისათვის ხელსაყრელი და მიმზიდველი გარემოს შექმნა

შეფასების ინდიკატორი:

- მუნიციპალიტეტის ცნობადობისა და ტურისტების რაოდენობის ზრდა **4.4. რელიგიური ორგანიზაციების ხელშეწყობა (პროგრამული კოდი 05 04)**

პროგრამის ფარგლებში განხორციელდება მუნიციპალიტეტის ტერიტორიაზე არსებული ეკლესია მონასტრების ფინანსური მხარდაჭერა, ასევე ზოგიერთ ტაძრისა და მის მიმდებარე ტერიტორიაზე განხორციელდება მცირე სარეაბილიტაციო სამუშაოები.

5. მოსახლეობის ჯანმრთელობის დაცვა და სოციალური უზრუნველყოფა (პროგრამული კოდი 06 00)

მოსახლეობის ჯანმრთელობის დაცვის ხელშეწყობა და მათი სოციალური დაცვა მუნიციპალიტეტის ერთ-ერთ მთავარ პრიორიტეტს წარმოადგენს. მუნიციპალიტეტი არსებული რესურსების ფარგლებში განაგრძობს სოციალურად დაუცველი მოსახლეობის სხვადასხვა დახმარებებით და შეღავათებით უზრუნველყოფას. ერთიანი სახელმწიფო პოლიტიკის ფარგლებში გაგრძელდება საზოგადოებრივი ჯანმრთელობის დაცვის მიზნით ადგილობრივ დონეზე სხვადასხვა ღონისძიებების განხორციელება, რაც უზრუნველყოფს არა მხოლოდ მუნიციპალიტეტის, არამედ მთელი ქვეყნის მოსახლეობის ჯანმრთელობის დაცვას სხვადასხვა გადამდები და ინფექციური დაავადებებისაგან.

org. kodi	ოზურგეთის მუნიციპალიტეტი	2015 წლის 10 თვის ფაქტი	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
06 00	მოსახლეობის ჯანმრთელობისა და სოციალური უზრუნველყოფა	452.5	540.5	565.0	590.0	620.0
06 01	ჯანდაცვის პროგრამები	69.1	76.0	77.0	82.3	94.0
06 02	სოციალური პროგრამები	383.3	464.5	488.5	507.7	526.0
06 02 01	ბავშვთა დაბადება, მრავალშვილიანი ოჯახები	88.8	108.0	109.0	112.0	115.0
06 02 04	ვეტერანთა დახმარებები	9.5				
06 02 05	დაკრძალვის ხარჯები	0.7	6.0	6.5	7.0	7.5
06 02 06	შეზღუდული შესაძლებლობების მქონე პირთა დახმარების პროგრამა	24.0	30.0	32.0	33.0	35.0
06 02 07	მოქალაქეთა სამედიცინო მომსახურების პროგრამა	168.7	180.0	190.0	195.0	200.0
06 02 08	იძულებით გადაადგილებულ პირთა დახმარების პროგრამა	3.8	8.0	8.5	9.0	9.5
06 02 09	სტიქიური მოვლენების შედეგად დაზარალებული ოჯახების დახმარების პროგრამა	40.2				
06 02 10	ხანდაზმულთა დახმარების პროგრამა	0.9				
06 02 11	უსინათლოთა ერთჯერადი დახმარების პროგრამა	11.6	12.0	13.0	13.5	14.0
06 02 12	სოციალურად დაუცველ ბავშვთა დღის ცენტრის პროგრამული დაფინანსება	14.9	20,0	21.0	22.0	23.0
06 02 13	თირკმლის უკმარისობით დაავადებულ პირთა დახმარების პროგრამა	7.0	15,0	18,0	20,0	21,0
06 02 16	დედმამით ობოლი 18 წლამდე ასაკის ბავშვთა ერთჯერადი დახმარების პროგრამა	0.6	1.5	2,0	2,2	2,5

org. kodi	ოზურგეთის მუნიციპალიტეტი	2015 წლის 10 თვის ფაქტი	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
06 02 17	მეციტრუსეობის დარგში დასაქმებული მოსახლეობის სოციალური მდგომარეობის გაუმჯობესების ხელშეწყობის ღონისძიებები					
06 02 18	ონკოლოგიური ავადმყოფების დახმარების პროგრამა	9.0	10.0	11.0	12.0	13.0
06 02 19	მცირე ტიპის ბავშვთა სახლის თანადაფინანსება	3.7	9.0	9.5	10.0	10.5
06 02 20	სოციალური ღონისძიებების პროგრამა		45.0	47.0	50.0	52.0
06 02 21	„C.. ჰეპატიტით დაავადებული პირების კვლევების დაფინანსების პროგრამა		20.0	21.0	22.0	23.0

5.1. ჯანდაცვის პროგრამები (პროგრამული კოდი 06 01)

პროგრამის ფარგლებში ფინანსდება საზოგადოებრივი ჯანდაცვის ცენტრი, რომლის ამოცანებია ეპიდემიოლოგიური ზედამხედველობა და ეპიდემიოლოგიური კონტროლი, დაავადების გადაცემის გზების, რისკფაქტორების გამოვლენისა და შესწავლის მიზნით; პროფილაქტიკური აცრების დაგეგმვა, შესრულება, ასაცრელი მასალის უზრუნველყოფის ორგანიზაცია და კონტროლი, განსაკუთრების საშინ ინფექციათა ბუნებრივი კერების გამოვლინება, შესწავლა და მათზე ეპიდემიოლოგიური ზედამხედველობის სამსახურების ხელშეწყობა და სხვა ღონისძიებები.

ერთიანი სახელმწიფო პოლიტიკის ფარგლებში გაგრძელდება საზოგადოებრივი ჯანმრთელობის დაცვის მიზნით ადგილობრივ დონეზე სხვადასხვა ღონისძიებების განხორციელება, რაც უზრუნველყოფს არა მხოლოდ მუნიციპალიტეტის, არამედ მთელი ქვეყნის მოსახლეობის ჯანმრთელობის დაცვას სხვადასხვა გადამდები და ინფექციური დაავადებებისაგან.

5.1.1. საზოგადოებრივი ჯანმრთელობის დაცვა (პროგრამული კოდი 06 01 01)

ქვეპროგრამის განმახორციელებელი:

ა(ა)იპ „ოზურგეთის მუნიციპალიტეტის საზოგადოებრივი ჯანდაცვის ცენტრი“

პროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში „საზოგადოებრივი ჯანმრთელობის შესახებ“ საქართველოს კანონით განსაზღვრული ფუნქციების დაფინანსებას, კერძოდ:

არსებობის შემთხვევაში ცოფის კერის ლიკვიდაცია და დაკბენილი მოსახლეობის ზუსტი აღრიცხვა, სასწრაფო შეტყობინების სისტემის დახვეწა და გაუმჯობესება;

დაავადებათა გავრცელების ეტაპობრივი შემცირება მისი კონტროლის გზით. ეპიდსიტუაციის გამწვავების დროული გამოვლენის ხელშეწყობა და მათზე სწრაფი რეაგირება, პროფილაქტიკურ ღონისძიებათა გატარება;

მუნიციპალიტეტის მოსახლეობაში არაგადამდებ დაავადებათა პრევენციის და ჯანმრთელობაზე მავნე ფაქტორების ზემოქმედებაზე მოსახლეობის ინფორმირების გზით ჯანმრთელობის დაცვის ხელშეწყობა;

სადერატიზაციო სამუშაოების ჩატარება საცხოვრებელი სახლების სარდაფებსა და ბუნკერებში (კერძო სექტორის გარდა) და ამის საფუძველზე ქალაქში ეპიდსიტუაციის გაუმჯობესება;

ჯანმრთელობისათვის მნიშვნელოვანი ინფექციური და არაგადამდები დაავადებებისა და მასობრივი მოშხამვების, აგრეთვე პროფესიული დაავადებების თავიდან აცილება;

მუნიციპალიტეტში არსებული სანიტარულ-ჰიგიენური მგომარეობის მონიტორინგი, მოსახლეობისათვის ჯანსაღი გარემოს შექმნის ხელშეწყობის მიზნით მუნიციპალიტეტის დასახლებულ ტერიტორიებზე ადამიანისათვის საშიში და შხამიანი ცხოველების ცხოველმყოფელობის დადგენისა და გაუვნებელყოფის ღონისძიებები.

მოსალოდნელი შუალედური შედეგები:

- ადამიანის ჯანმრთელობისათვის უსაფრთხო გარემოს უზრუნველყოფა;
-

შედეგების შეფასების ინდიკატორები:

- ჯანსაღი მოსახლეობა.

5.2. სოციალური პროგრამები (პროგრამული კოდი 06 02)

ქვეპროგრამის განმახორციელებელი:

ოზურგეთის მუნიციპალიტეტის განათლების, ახალგაზრდობისა და სოციალური დაცვის სამსახური.

პროგრამა ითვალისწინებს მუნიციპალიტეტის ტერიტორიაზე მცხოვრები მოსახლეობის სხვადასხვა ფენებისათვის გარკვეული შეღავათებითა და სოციალური დახმარებებით უზრუნველყოფას. სარიტუალო მომსახურების ხარჯების ანაზღაურებას, მოხუცებულთა, მიუსაფართა და სოციალურად დაუცველთა საცხოვრებელი ფართით უზრუნველყოფას, დემოგრაფიული მდგომარეობის გაუმჯობესების მიზნით მრავალშვილიანი ოჯახების დახმარებას და სხვა სოციალურ ღონისძიებებს, რომლებიც მთლიანობაში უზრუნველყოფენ მუნიციპალიტეტის მოსახლეობის სოციალური მდგომარეობის გაუმჯობესებას.

5.2.1. შეჭირვებულ მოქალაქეთა სამედიცინო მომსახურების

პროგრამა (პროგრამული კოდი 06 02 01)

პროგრამის მიზანია სოციალურად დაუცველი მოსახლეობის სამედიცინო მომსახურების ხარჯების ანაზღაურებაში დახმარება. პროგრამით ისარგებლებენ, მუნიციპალიტეტის ტერიტორიაზე რეგისტრირებული, „საყოველთაო ჯანდაცვის პროგრამა“-ში ჩართული ის მოქალაქეები, რომელთა სარეიტინგო ქულა, „სოციალურად დაუცველი ოჯახების მონაცემთა ერთიანი ბაზის“ მიხედვით, არ აღემატება 100 001-ს, საბიუჯეტო წლის განმავლობაში ერთჯერადად.

პროგრამა გულისხმობს ბენეფიციარებისათვის სამედიცინო დაწესებულებაში თანხის გადარიცხვას ოპერაციული და სხვა სახის მკურნალობის ჩატარების მიზნით.

მოსალოდნელი შედეგი:

სოციალურად დაუცველი მოქალაქეებისათვის სამედიცინო სერვისების ხელმისაწვდომობის გაუმჯობესება;

შეფასების ინდიკატორი:

პროგრამაში მონაწილე პირთა რაოდენობა და მათი სოციალურ-ეკონომიკური მდგომარეობის გაუმჯობესება

5.2.2. მოქალაქეთა მედიკამენტებით უზრუნველყოფის პროგრამა

(პროგრამული კოდი 06 02 02)

ოზურგეთის მუნიციპალიტეტის ტერიტორიაზე რეგისტრირებული მოსახლეობის მედიკამენტების შეძენის ხარჯების ანაზღაურებაში დახმარება.

პროგრამით ისარგებლებენ ის მოქალაქეები, რომელთა სარეიტინგო ქულა, „სოციალურად დაუცველი ოჯახების მონაცემთა ერთიანი ბაზის“ მიხედვით, არ აღემატება 100 001-ს, საბიუჯეტო წლის განმავლობაში ერთჯერადად.

პროგრამა გულისხმობს ბენეფიციარებისათვის სააფთიაქო დაწესებულებაში თანხის გადარიცხვას მედიკამენტებისა და სხვა სახის სამკურნალო დანიშნულების საგნების შეძენის მიზნით.

მოსალოდნელი შედეგი:

სოციალურად დაუცველი მოქალაქეებისათვის მედიკამენტებზე და სამკურნალო დანიშნულების საგნებზე ხელმისაწვდომობაში დახმარება.

შეფასების ინდიკატორი:

პროგრამაში მონაწილე პირთა რაოდენობა

5.2.3. მრავალშვილიანი ოჯახების სოციალური დახმარების პროგრამა

(პროგრამული კოდი 06 02 03)

ქვეყანაში მიმდინარე სოციალურ-ეკონომიკური ცვლილებების ფონზე სოციალურად დაუცველი ოჯახებისათვის დახმარება მუნიციპალიტეტის ერთ-ერთ პრიორიტეტულ მიმართულებას წარმოადგენს. სამწუხაროდ მრავლადაა მცირე შემოსავლის მქონე მრავალშვილიანი ოჯახები. აქედან გამომდინარე, მრავალშვილიანი ოჯახების ხელშეწყობის მიზნით ხორციელდება „სოციალურად დაუცველი ოჯახების მონაცემთა ერთიან ბაზა“-ში 150 000 და ნაკლები სარეიტინგო ქულით რეგისტრირებული მრავალშვილიანი ოჯახებისათვის (4 და მეტი 18 წლამდე ასაკის ბავშვი) თითოეულ ბავშვზე ყოველთვიური მატერიალური დახმარების გაწევა 15 ლარის ოდენობით;

მოსალოდნელი საბოლოო შედეგები:

მრავალშვილიანი ოჯახების სოციალურ-ეკონომიკური მდგომარეობის გაუმჯობესება.

შედეგების შეფასების ინდიკატორები:

- პროგრამაში მონაწილე ბავშვების რაოდენობა.

5.2.4. სარიტუალო მომსახურების პროგრამა

(პროგრამული კოდი 06 02 04)

„სამშობლოს დაცვისას დაღუპულთა და ომის შემდეგ გარდაცვლილ მეომართა ხსოვნის უკვდავყოფის შესახებ“ საქართველოს კანონით გათვალისწინებული, ოზურგეთის მუნიციპალიტეტის ტერიტორიაზე რეგისტრირებული, სამამულო ომისა და საქართველოს ტერიტორიული მთლიანობის, თავისუფლებისა და დამოუკიდებლობისათვის საბრძოლო მოქმედებების მონაწილე პირის გარდაცვალების შემთხვევაში, სარიტუალო ხარჯებისათვის, გარდაცვლილის ოჯახის ფინანსური დახმარება.

„საქართველოს ოკუპირებული ტერიტორიებიდან იძულებით გადაადგილებულ პირთა - დევნილთა შესახებ“ საქართველოს კანონით გათვალისწინებული, ოზურგეთის მუნიციპალიტეტის ტერიტორიაზე დროებით რეგისტრირებული და ფაქტობრივად მცხოვრები, იძულებით გადაადგილებული პირის გარდაცვალების შემთხვევაში, სარიტუალო ხარჯებისათვის, გარდაცვლილის ოჯახის ფინანსური დახმარება.

ოზურგეთის მუნიციპალიტეტის ტერიტორიაზე რეგისტრირებული უჭირისუფლო (უპატრონო) მიცვალებულის სარიტუალო ხარჯების ანაზღაურებისათვის

მოსალოდნელი საბოლოო შედეგები:

- დაღუპულ მეომართა ოჯახების სოციალური მდგომარეობის გაუმჯობესება, სხვა კატეგორიის ოჯახებისათვის სარიტუალო მომსახურების ხარჯების შემსუბუქება;

შედეგების შეფასების ინდიკატორები:

პროგრამაში მონაწილე პირთა რაოდენობა

5.2.5. თირკმლის უკმარისობით დაავადებულ პირთა დახმარება

(პროგრამულიკოდი 06 02 05)

პროგრამა ითვალისწინებს, ოზურგეთის მუნიციპალიტეტის ტერიტორიაზე რეგისტრირებულ ჰემოდიალიზზე მყოფ მოქალაქეთა სატრანსპორტო ხარჯების ანაზღაურებაში დახმარებას.

მოსალოდნელი საბოლოო შედეგები:

თირკმლის უკმარისობით დაავადებული პირების სოციალურ-ეკონომიკური მდგომარეობის გაუმჯობესება.

შედეგების შეფასების ინდიკატორები:

პროგრამაში მონაწილე პირთა რაოდენობა.

5.2.6. დედ-მამით ობოლი 18 წლამდე ასაკის ბავშვთა ერთჯერადი დახმარების

პროგრამა (პროგრამულიკოდი 06 02 06)

პროგრამის მიზანია ოზურგეთის მუნიციპალიტეტში მცხოვრები დედ-მამით ობოლი 18 წლამდე ასაკის ბავშვების ერთჯერადი მატერიალური დახმარება 300 ლარის ოდენობით.

მოსალოდნელი საბოლოო შედეგები:

ბენეფიციართა სოციალურ-ეკონომიკური მდგომარეობის გაუმჯობესება

შედეგების შეფასების ინდიკატორები:

პროგრამაში მონაწილე პირთა რაოდენობა

5.2.7. უსინათლოთა ერთჯერადი დახმარების პროგრამა (პროგრამულიკოდი 06 02 07)

პროგრამის მიზანია, ოზურგეთის მუნიციპალიტეტის ტერიტორიაზე რეგისტრირებული, უსინათლო ინვალიდების თანადგომა და მხარდაჭერა.

მოსალოდნელი საბოლოო შედეგები:

ბენეფიციართა სოციალურ-ეკონომიკური მდგომარეობის გაუმჯობესება

შედეგების შეფასების ინდიკატორები:

პროგრამაში მონაწილე პირთა რაოდენობა

5.2.8. . იძულებით გადაადგილებულ პირთა დახმარების პროგრამა (პროგრამულიკოდი 06 02 08)

პროგრამის მიზანია, ოზურგეთის მუნიციპალიტეტის ტერიტორიაზე ფაქტობრივად მცხოვრები და დროებით რეგისტრირებული, საქართველოს ოკუპირებული ტერიტორიებიდან

იძულებით გადაადგილებული - დევნილი მოსახლეობისათვის მატერიალური დახმარების გაწევა, ზამთრის სეზონზე სათბობით უზრუნველყოფისათვის.

მოსალოდნელი შედეგი:

ბენეფიციართა სოციალურ-ეკონომიკური მდგომარეობის გაუმჯობესება

შედეგების შეფასების ინდიკატორები:

პროგრამაში მონაწილე პირთა რაოდენობა.

5.2.9. ლეიკემიით და ონკოლოგიური დაავადების მქონე პირების დახმარების პროგრამა (პროგრამული კოდი 06 02 09)

პროგრამის მიზანია მუნიციპალიტეტის ტერიტორიაზე რეგისტრირებული ლეიკემიით და ონკოლოგიური დაავადების მქონე პირებისათვის სამედიცინო მომსახურების ხარჯების ანაზღაურებაში დახმარება.

პროგრამით ისარგებლებენ, „საყოველთაო ჯანდაცვის პროგრამა“-ში ჩართული ის მოქალაქეები, რომელთა სარეიტინგო ქულა, „სოციალურად დაუცველი ოჯახების მონაცემთა ერთიანი ბაზის“ მიხედვით, არ აღემატება 150 001-ს, საბიუჯეტო წლის განმავლობაში ერთჯერადად.

პროგრამა გულისხმობს ბენეფიციარებისათვის სამედიცინო დაწესებულებაში თანხის გადარიცხვას მკურნალობის ჩატარების მიზნით.

მოსალოდნელი საბოლოო შედეგები:

- სოციალურად დაუცველი მოქალაქეებისათვის სამედიცინო სერვისების ხელმისაწვდომობის გაუმჯობესება.

შედეგების შეფასების ინდიკატორები:

პროგრამაში მონაწილე პირთა რაოდენობა და მათი სოციალურ-ეკონომიკური მდგომარეობის გაუმჯობესება

5.2.10. „C“ ჰეპატიტით დაავადებულ პირებში მკურნალობის ტაქტიკის განსაზღვრისათვის საჭირო კვლევების დაფინანსების პროგრამა (პროგრამული კოდი 06 02 10)

პროგრამის მიზანია, „C“ ჰეპატიტით გამოწვეული ავადობის, სიკვდილიანობისა და ინფექციის გავრცელების შემცირება.

არსებული რესურსებისა და კომპეტენციის ფარგლებში, „C“ ჰეპატიტის ელიმინაციის პროგრამის ხელშეწყობის მიზნით, ოზურგეთის მუნიციპალიტეტის ტერიტორიაზე რეგისტრირებული მოქალაქეების, რომელთა სარეიტინგო ქულა „სოციალურად დაუცველი ოჯახების მონაცემთა ერთიანი ბაზის“ მიხედვით არ აღემატება 150 001-ს და საჭიროებენ დიაგნოსტიკური კვლევების ჩატარებას მკურნალობის ტაქტიკის განსაზღვრისათვის, დახმარების გაწევა კვლევების ხელმისაწვდომობაში.

პროგრამის ფარგლებში დაფინანსება განხორციელდება საბიუჯეტო წლის განმავლობაში ერთჯერადად, სამედიცინო დაწესებულებაში თანხის გადარიცხვით.

მოსალოდნელი საბოლოო შედეგები:

„C“ ჰეპატიტით გამოწვეული ავადობის, სიკვდილიანობისა და ინფექციის გავრცელების შემცირება

შედეგების შეფასების ინდიკატორები:

პროგრამაში მონაწილე პირთა რაოდენობა და მათი სოციალურ-ეკონომიკური მდგომარეობის გაუმჯობესება.

5.2.11. სოციალური ღონისძიებების პროგრამა (პროგრამულიკოდი 06 02 11)

პროგრამის მიზანია, ოზურგეთის მუნიციპალიტეტის ტერიტორიაზე რეგისტრირებული, სხვადასხვა კატეგორიის ადამიანებისათვის, ღირსშესანიშნავ თარიღებთან დაკავშირებით, სხვადასხვა შინაარსის ღონისძიებების მოწყობა, მათი ღვაწლის დაფასება, თანადგომა, მხარდაჭერა და მატერიალური წახალისება.

მოსალოდნელი საბოლოო შედეგები:

ბენეფიციართა სოციალურ-ეკონომიკური მდგომარეობის გაუმჯობესება

შედეგების შეფასების ინდიკატორები:

პროგრამაში მონაწილე პირთა რაოდენობა.

5.2.12. შეზღუდული შესაძლებლობების მქონე პირთა დახმარების პროგრამა

(პროგრამულიკოდი 06 02 12)

პროგრამით გათვალისწინებულია აღნიშნული კატეგორიის პირთა ფინანსური დახმარება და დაბა ურეკში მათი დასვენების ხარჯების დაფინანსება;

მოსალოდნელი საბოლოო შედეგები:

- ბენეფიციარებმა შეინარჩუნონ ფსიქოლოგიური მდგრადობა

შედეგების შეფასების ინდიკატორები:

- პროგრამაში მონაწილე პირთა რაოდენობა

5.2.13. ბავშვთა მცირე საოჯახო ტიპის სახლის დაფინანსება

(პროგრამულიკოდი 06 02 13)

პროგრამის მიზანია ოზურგეთის მუნიციპალიტეტში 6 დან 18 წლამდე მზრუნველობა მოკლებული ბენეფიციარების მოვლა-პატრონობა და ფსიქო-სოციალური რეაბილიტაცია.

მოსალოდნელი საბოლოო შედეგები:

- აღნიშნული კატეგორიის ბავშვთა სოციალური მდგომარეობის გაუმჯობესება;

შედეგების შეფასების ინდიკატორები:

- ბენეფიციარების სოციალური მდგომარეობის გაუმჯობესება და საზოგადოებაში მათი რეაბილიტაცია;

**5.2.14. სოციალურად დაუცველ ბავშვთა დღის ცენტრის პროგრამული თანადაფინანსება
(პროგრამული კოდი 06 02 14)**

პროგრამის მიზანია ოზურგეთის მუნიციპალიტეტში მცხოვრები სოციალურად დაუცველი ბავშვებისათვის მოვლისა და განათლების პირობების შექმნა;

მოსალოდნელი საბოლოო შედეგები:

აღნიშნული კატეგორიის ბავშვთა სოციალური მდგომარეობის გაუმჯობესება.

შედეგების შეფასების ინდიკატორები:

ბენეფიციარების სოციალური მდგომარეობის გაუმჯობესება და საზოგადოებაში მათი რეაბილიტაცია;